



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## Bussa de stùdiu natzionali 2021/2022 – Studentis amìtius

Si fait sciri chi, cun detèrminu n. 632 prisia n. 12594 de su 12/10/2022 de sa Direzioni Generali de s'Imparu Pùblicu – Servìtziu Polìticas Scolàsticas de sa Regione Autònoma de Sardigna, est stètia aprovada sa graduatòria ùnica regionali, stèrria a partiri de s'ISEE prus bàsciu a su prus artu, de is studentis benefitziàrius de sa busa de stùdiu natzionali, chi balit 200 èurus cada una.

In is làcanas de is resursas postas a disponimentu de su Ministeru po s'Imparu (MIUR), paris a 1.271.318,50 èurus, su nùmeru de is bussas chi si podint donai in Sardìnnia est paris a 6.356 e s'ùrtimu valori ISEE chi balit est prus bàsciu de 7.875 èurus (primu de is non amìtius).

Duncas, totus is studentis chi bivint in su Comunu de Sestu chi po nexi de s'ISEE non funt intraus me is primas 6.356 positzioni de sa graduatòria regionali non funt benefitziàrius de sa busa de stùdiu.

**Si marcat chi su Ministeru est su solu canali informativu ufiziali po cantu pertocat is minudas a pitzus de su coberamentu de is bussas. Duncas, is studentis e is famìllias podint circai in su giassu web istituzionali IOSTUDIO – Portale dello studente, a s'indiritzu <http://iostudio.pubblica.istruzione.it> o intregai is dimandas po arriciri informatzioni a s'indiritzu [iostudio@istruzione.it](mailto:iostudio@istruzione.it) sceti.**

**S'Ufitziu de s'Imparu Pùblicu de su Comunu de Sestu non tenit nisciuna informatzioni po cussu chi pertocat su tempus de is pagamentus de sa Bussa de Stùdiu Natzionali.**

Po su pagamentu de is bussas su Ministeru de s'Imparu at dispònniu chi at a essi fatu po mesu de bonìficu domitziliau me is postas (Poste Italiane).

Sa graduatòria s'agatat in custu liòngiu:

<https://www.comune.sestu.ca.it/index.php/2022/10/17/borsa-di-studio-nazionale-2021-2022-studenti-ammessi/>